

UGOVOR

o pružanju usluga obavezne dezinfekcije, dezinskcije i deratizacije

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i
Kristal d.o.o. Sarajevo, ul. Džemala Bijedića 135 (u daljem tekstu Dobavljač), kojeg zastupa direktor Vedad Teskeredžić

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za pružanje usluga obavezne dezinfekcije, dezinskcije i deratizacije u Zavodu zdravstvenog osiguranja Kantona Sarajevo i svim poslovnicama za period od dvije godine, u skladu sa Odlukom o pokretanju postupka broj 03-08-Dž.H.N.-38904-OP/17 od 16.10.2017. godine, Pozivom na dostavljanje ponude broj 03-08-Dž.H.N.-38903-OP/17 od 16.10.2017. godine, ponudom Dobavljača broj: 267/17 od 23.10.2017. godine i Odlukom o prihvatanju ponude broj 03-08-Dž.H.N.-38904-OPP/17 od 27.10.2017. godine.

Član 2.

Usluge koje su predmet ovog Ugovora su usluge obavezne dezinfekcije, dezinskcije i deratizacije za period od dvije godine u Zavodu zdravstvenog osiguranja Kantona Sarajevo. Predmetne usluge treba vršiti u poslovnim prostorijama Zavoda što uključuje:

1. Direkcija - ul. Ložionička 2
2. poslovnica Novo Sarajevo - ul. Zmaja od Bosne bb
3. poslovnica Centar - ul. Hamdije Kreševljakovića 14
4. poslovnica Ilidža - ul. Emira Bogunića Čarlija 17
5. poslovnica Hadžići - ul. Hadželi 169
6. poslovnica Vogošća - ul. Jošanička 83
7. poslovnica Ilijaš - ul. 126. ilijaške brigade 51
8. poslovni prostor - ul. Envera Šehovića do br. 3.

Dobavljač je saglasan i prihvata da u slučaju da Ugovorni organ u periodu trajanja ugovora bude raspolagao drugim prostorijama koje nisu specificirane u prethodnom stavu, da će usluge koje su predmet ugovora vršiti u istim i to po istim cijenama datim u članu 6. ovog Ugovora.

Član 3.

Usluge će se vršiti na način i sa frekventnosti u skladu sa Pravilnikom o načinu obavljanja obavezne dezinfekcije, dezinskcije i deratizacije („Službene novine Federacije BiH“ br. 30/16).

Dobavljač je saglasan i prihvata da u slučaju potrebe Ugovornog organa za uslugama koji nisu predmet specifikacije usluga iz člana 1., a u tehničkoj su vezi sa predmetom ove nabavke, da će Dobavljač iste pružiti Ugovornom organu po ovjerenom cjenovniku ovih usluga. Isto se odnosi i za slučaj da je zbog novonastalih okolnosti neophodno pružiti usluge koje su predmet ugovora i u više navrata (ciklusa) nego što je to definisano tabelom iz člana 6. ugovora.

OBAVEZE UGOVORNIH STRANA

Član 4.

Dobavljač se obavezuje pružati usluge koje su predmet ovog ugovora, koja kvalitetom i količinom u svemu odgovara karakteristikama preciziranim u Pozivu na dostavljanje ponude broj 03-08-Dž.H.N.-38903-OP/17 od 16.10.2017. godine, na način i rokovima regulisanim ovim ugovorom i ponudom Dobavljača.

Ape

Član 5.

Ugovorni organ se obavezuje da primi pružene usluge ukoliko iste odgovaraju ugovorenom kvalitetu i plati ugovorenu cijenu na način i u rokovima određenim u Pozivu na dostavljanje ponude broj 03-08-DŽ.H.N-38903-OP/17 od 16.10.2017. godine, ponudom Dobavljača i ovim ugovorom.

Član 6.

Cijena nabavke usluga koje su predmet ovog ugovora ukupno iznosi **2.777,30 KM** sa PDV-om (dvijehiljadestamstosedamdesetsedam i 30/100 KM) za period od 2 (dvije) godine dana, na koliko se ugovor i zaključuje. Cijene pojedinačnih usluga su prikazane u sljedećoj tabeli:

R.	Naziv usluge	Jed. mjere	Površina prostorija Ugovornog organa	Cijena po jed. mjere u KM bez PDV-a	Broj ciklu sa u godini dana	Ukupno za 1 godinu bez PDV-a	Ukupno za 2 godine bez PDV-a	Ukupno za 2 godine sa PDV-om
A	B	C	D	E	F	$G = D \times E \times F$	$H = G \times 2$	$I = H \times 1.17$
1.	Dezinfekcija	m ²	3.896	0,015	4	233,76	467,52	547,00
2.	Dezinsekcija	m ²	3.896	0,06	2	467,52	935,04	1.094,00
3.	Deratizacija	m ²	3.896	0,05	2	389,60	779,20	911,66
4.	Dodatna dezinsekcija po ukazanoj potrebi	m ²	800	0,07	1	56,00	112,00	131,04
5.	Dodatna deratizacija po ukazanoj potrebi	m ²	800	0,05	1	40,00	80,00	93,60
UKUPNO:						1.186,88	2.373,76	2.777,30

U slučaju potrebe za uslugama većeg obima, izvan okvira ugovornih obaveza pružanja usluga obavezne dezinfekcije, dezinsekcije i deratizacije, Dobavljač je obavezan tražiti saglasnost Ugovornog organa, te obrazložiti potrebu izvođenja istih i priložiti cjenovnik.

Član 7.

Ugovorni organ se obavezuje da nakon pruženih usluga koje su predmet ovog Ugovora, ukoliko one odgovaraju ugovorenom kvalitetu, plati cijenu iz člana 6. ovog Ugovora.

Ugovorni organ će Dobavljaču plaćati cijene pregleda po ispostavljenj fakturi, najkasnije u roku do 60 dana od ispostave ispravne fakture.

Član 8.

Dobavljač se obavezuje da će vršiti pružanje usluga koje su predmet ugovora u skladu sa potrebama ugovornog organa, zakonskim i ekološkim normama i standardima koji regulišu oblast predmeta nabavke. Dobavljač se, također, obavezuje da će po svim uslovima iz ponude i zahtjevima Ugovornog organa pružati predmetne usluge. U slučaju da izvršene usluge svojim kvalitetom ne odgovaraju ugovorenim i zahtjevima Ugovornog organa, Ugovorni organ zadržava pravo da od Dobavljača zahtjeva otklanjanje uočenih nedostataka, a u protivnom zadržava pravo da raskine predmetni ugovor.

ROK PRUŽANJA USLUGE

Član 9.

Dobavljač se obavezuje da će se, na poziv Ugovornog organa, odazvati najkasnije u roku od 48 sati. U slučaju hitnih intervencija, Dobavljač se obavezuje odazvati odmah.

Dobavljač će u dogovoru sa odgovornim licima Ugovornog organa izvršiti usluge koje su predmet nabavke na način da ne remeti proces rada Ugovornog organa, te će izdati pismeni dokument o izvršenoj usluzi sa svim detaljima o sredstvu sa kojim su usluge izvršene.

Član 10.

Dobavljač ima pravo na produženje ugovornog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 11.

Ako Dobavljač zakasni sa izvršenjem usluge, nema pravo na produženje ugovornog roka zbog okolnosti koje su nastale u vrijeme kada je bio u kašnjenju u skladu sa zakonskom regulativom dužan je izvršiti obeštećenje Ugovornom organu za štetu koju je pretrpio.

NAKNADA ŠTETE

Član 12.

Ugovorna strana koja neurednim ispunjenjem ili neispunjenjem ugovorne obaveze prouzrokuje štetu drugoj ugovornoj strani, dužna je da štetu naknadi prema važećim propisima i pravnim pravilima.

PRESTANAK UGOVORA

Član 13.

Ovaj Ugovor stupa na snagu od dana obostranog potpisivanja i traje dvije godine dana.

Član 14.

Ugovor može prestati i prije njegovog izvršenja, u slučaju raskida.

Ugovorni organ može raskinuti ugovor:

- ako Dobavljač ne izvršava ugovorne obaveze,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u vršenju usluge koja je predmet ugovora takvo da može dovesti u pitanje izvršenje ugovora.

Zbog neurednog pružanja usluga, Ugovorni organ može raskinuti ugovor samo ako je do neurednog pružanja usluga došlo krivicom Dobavljača.

Član 15.

Ugovorni organ će raskinuti ugovor sa Dobavljačem i ukoliko se ustanovi da ponuđena usluga koja je zadovoljila zahtjeve u Pozivu na dostavljanje ponude, nije jednaka pruženoj usluzi koja je predmet ugovora.

Član 16.

Dobavljač može da raskine ugovor, ako Ugovorni organ usljed vlastite krivice ne izvrši svoje ugovorne obaveze. Ugovor se ne može raskinuti zbog neizvršenja neznatnog dijela ugovorne obaveze.

Dobavljač neće moći raskinuti ugovor bez pisanog poziva na ispunjenje ugovornih obaveza uz minimalni rok od osam (8) dana za postupanje Ugovornog organa po pozivu.

Član 17.

Ugovor se raskida pismenom izjavom koja se dostavlja drugoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 18.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ake se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 19.

Dobavljač kojem je dodijeljen ugovor nema pravo zapošljavati, u svrhu izvršenja ugovora fizička ili pravna lica koja su učestvovala u izradi Poziva na dostavljanje ponude, najmanje šest mjeseci po zaključenju ugovora, odnosno od početka realizacije ugovora.

Član 20.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 21.

Sastavni dio ovog ugovora su:

Odluka o pokretanju postupka broj 03-08-Dž.H.N.-38904-OP/17 od 16.10.2017. godine

Poziv na dostavljanje ponude broj 03-08-Dž.H.N.-38903-OP/17 od 16.10.2017. godine

Ponuda Dobavljača broj: 267/17 od 23.10.2017. godine

Odluka o prihvatanju ponude broj 03-08-Dž.H.N.-38904-OPP/17 od 27.10.2017. godine.

Član 22.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

Kristal d.o.o. Sarajevo



Vedad Teskeredžić



Broj: 261/17

Datum: 05.12.2017

UGOVORNI ORGAN

Zavod za javstvenog osiguranja
Kantona Sarajevo



M. Turko, spec. dr. Samir Turković

Broj: 03-08-Dž.H.N.-38904-UG/17

Datum: 29.11.2017. godine